



河南先生文集卷第十二

行狀

故中大夫守太子賓客分司西京上柱國陳留  
縣開國侯食邑九百戶賜紫金魚袋謝公行  
狀

故朝大夫給事中知同州軍州事兼管內勸農  
使上柱國隴西縣開國伯食邑五百戶賜紫  
金魚袋李公行狀

碑

故推忠協謀同德佐理功臣樞密使金紫光祿  
大夫行尚書吏侍郎檢校太傅同中書門下  
平章事上柱國太原郡開國公食邑四千一  
百戶食實封四百戶贈太保中書令文康王  
公神道碑銘

中大夫守太子賓客分司西京上柱國陳留  
縣開國侯食邑九百戶賜紫金魚袋謝公行

狀

曾祖 廷徽 國子司業 越州觀察判官

祖 懿 文 秘書郎 杭州鹽官縣令

父 崇 禮 泰寧軍節度掌書記 檢校左散騎

常侍 累贈戶部侍郎

本貫杭州富陽縣章岵鄉赤松里謝濤字

濟之年七十四

謝氏系譜自公七代祖已下官諱具存始居河南之  
維氏至四代祖終衢州刺史葬嘉興因家江東及鹽  
官葬富陽遂為富陽人錢氏制吳越故散騎而上三  
世不為朝廷官公始十一歲嘗與父客談散騎私現

之見其辨對有成人風大為歡異李舍有說在氏春  
秋者公十四歲從之李歸輒與同輩伸其義必及其  
師之所傳既官寓居吳郡會汾晉平郡因當表賀吳  
士為奏者又休若更數人皆不能如郡將意公私草  
之為人持去郡將大稱憊吳中先生自亦愧不及故  
王黃州羅拾遺約處並為吳之屬縣長公與其游羅嘗  
與王書云濟之揚摧天人益吾曹之敵其為名流推  
重如此淳化三年舉進士上第除梓州權監院判官  
明年盜發益部公以梓近益為大郡盜畏強偏且利

以自資攻之必亟蓋大為守具時近郊多林木乃曰  
郡守悉取之以完棚櫓且為薪蒸之備既而被圍百  
日樵採路絕城中賴焉公叅陳謀設分護塹壁及圍  
解於僚吏為最力就遷梓州觀察推官明年推知益  
州之華陽蜀民流散之後田廬荒廢詔書凡入租占  
田有能倍入者斷以新籍於是豪右廣射上田貧民  
歸者多亡其素產公曰此權時之制毆民欲就業尔  
若利其倍租而使下民失業豈經制哉乃命尽還旧  
主所施行與詔書異至道二年召歸授著作佐郎

太宗面諭令通判大藩即通判壽州遷秘書丞又通判筠州知兵國軍 真宗考吏籍有五年無過者特遷得改太常博士一日內中出朝士治績著者凡二十四人名付中書門下令召見即以景德二年冬對長春殿賜五品服令通事舍人焦守節送李士院試試之明日會邊奏警急降詔北征是時曹濮盜起又虜勢分趨奔鄆東土頗騷朝廷慎擇郡守

真宗面諭宰相昨日京東奏曹州闕人謝濤可轉官知曹州遂除此田負外即曹之征賦旧分送睢陽倉

公至即會霖潦民車在道者不克進公曰自曹及宋陸行數百里平歲致之不為易今泥淖益困吾民且江淮漕運日至睢陽城下曹有廣濟漕亦通京師使曹賦得漕送京師睢陽自取江淮米以直曹賦豈非便耶乃開廩尽收屬縣賦且上其利狀遂與轉運使交奏 朝廷從公奏降詔褒美未几召还奉詔祈雨嵩丘祠畢雨澍因言岳瀆有請禱而無報謝羨或為闕真宗是之因詔自今修報如礼是年西南有大星見占在蜀分詔公巡撫益州雨路又別受詔與益州

張公詠同議鑄大鐵錢利害於是考鐵價與舊錢更相均准故下不得盜用而物估長平蜀人至今便之使回奉吏三十餘人宰府疑其多公面陳諸吏幹狀願署連坐以冀必行奉使奉吏連坐自此始後所奉多踐臺省不調者尤為郡守四年授三司度支判官大中祥符初出知秦州又知歙州改度支司封負外郎坐三司判官日奉推茶官被罪奪司封五年復為度支通判河南府馮魏公罷居守薦公於朝召試授兵部員外郎直史管判三司理欠憑由司出為兩浙

轉運使賜金紫遷禮部郎中判司農寺天禧五年兼侍御史知雜事乾興元年遷戶部郎中永定陵駕將發少府治明器象物甚侈大山陵使奉詔自京至陵凡城門民舍碑卑隘者壞之公上章言先帝封祀儀物大備尚不聞廢壞所過城舍今遺制務儉薄反以象物壞民居非帝先帝意願下有司裁損章寢不報物議是之是年以疾求東屏除吏部郎中直昭文館知越州天聖中代還遷太常少卿判太府寺登聞檢院以步履艱蹇求西京留司御史臺踰年改秘書監

臺任滿就求分司明道元年轉太子賓客景祐元年  
十月三十日以疾薨二年八月嗣子兵部員外郎直  
集賢院絳奉公之喪自京師歸葬於富楊公生平不  
恤家事然反愛甚篤宗門有故孤者收養嫁娶如已  
子在朝廷見貴勢無所降屈士子進見虽少賤對之  
肅然及交言則開懷無少隱故人皆憚其高而愛其  
情允治郡部吏有一善必孜孜稱薦或犯法虽甚惡  
之直其罪而已未嘗有过刑故終身無一嫌怨者雅  
善品藻文章江夏黃叔才嘗作楊允恭墓銘甚負其

文碩公曰能損益一字者我當辨之公削去二十一  
字叔才歎服不已在西京被疾人贊文者必讀之終  
篇或摘其辭之工者稱道之其愛獎士類如此初兩  
浙轉運使还朝議將以掌誥命會得疾逾旬不能具  
事遂寢素好修鍊藥術喜与方士談視榮利泊如也  
本朝圖書之府惟昭文史館集賢秘閣公与兵部同  
時分帖四職太府寺實父子相代縉紳榮之見于衣  
冠盛事錄母夫人崔氏追封博陵郡太君夫人許氏  
封晉陵郡君初散騎五子皆以五行定名公次弟炎

有文稱終公安令鑑今為天台令果從方外教號安  
隱師坦左侍禁子三人長即兵部次約將作監主簿  
少以才敏知名季綺太廟齋郎綺約皆早亡女四人  
適同出身周盤次適德具令梅堯臣次適延陵尉傅  
瑩次適吳縣尉楊士彥孫三人景初將作監主簿景  
溫太廟室長景平試校書郎女孫四人並幼公才位  
得業當列國史敢直紀行實以備史官之錄謹狀

景祐元年十一月日山南東道節度掌書記

朝奉郎試大理評事兼監察御史充館閣

校勘尹某狀

朝散大夫給事中知同州軍州事兼管內勸

農使上柱國陝西縣開國伯食邑五百戶

賜紫金袋李公行狀

曾祖 誨 皇不仕

祖 某 皇不仕

父 繼 又 皇任殿中丞累贈尚書戶部侍郎

本貫懷州武德縣待賢鄉德業里李允及

字某年七十六



公之先三世傳春秋李至戶部始以明經取科第公亦世其李端拱二年及第授解州安邑尉居官有能績秩滿再調京師廷見日太宗省其勞狀加之擢大理評事知邠州三水县時灵武用師轉賦粟以餉軍再至積石皆在期先遷光祿寺丞通判雅州會盜據成都不逞者譁言以驚動旁郡公詰姦謹備即境肅然事寧制書褒諭遷大理寺丞通判寧州卒都進者謀乱事竟公懼連比者不能自明精意辨析全貸者衆移通判邠州遷太子中舍殿中丞為開封府推官賜五品服未几出為利州路轉運使先是戶部告老在京師嘗墜馬大衢中人亟以告公朝服即步出府門趨其所頃之尊從者皆至戶部無他傷肩輿以歸或以事聞者及奉使入辭真宗問曰卿父墜馬無傷耶因賜三品服是時臺郎御史出領使任尚罕賜金紫公秩甲初被進用縉紳榮之至部會歲歎奏賑飢乏章未報出倉粟數万石散之民口無轉徙者遷國子博士入尚書省由主客金部司勳五遷至金部郎中歷三司監鐵判官京西京東淮南河東河北

五路轉運使京東淮南皆再至前在淮南開漕渠通  
廣陵市或有異議者罷知泉州後由淮南入為三司  
度支副使授光祿少卿知昇州未行改太常少卿兼  
江南安撫使遷光祿卿充淮南制置發運使時東土  
大飢自淮轉粟五十萬濟青徐民俄授右諫議大夫  
知揚徙知潞州代還授給事中知同州景祐五年八  
月二十五日以疾終于州公為政平易務以靜治不  
喜作為聰明部吏或犯法須其自章然後置于理其  
用心用寧失有罪不忍獄自己發故所至有長者稱

掌內外計三十年金粟羨盈累千萬供億用度無一  
敗事不獨精敏過人亦其間見詳熟它吏難與比者  
樂薦士保任百餘人多至通顯母田氏追封某郡太  
君妻安氏仁壽郡君子五人熙載同奉究出身早亡  
熙古進士第為屯田員外郎熙績衛尉寺丞熙朝大  
理評寺女四人長適屯田員外郎何白次適天章閣  
待制揚偕侍御史程勤屯田員外郎夏安期自適揚  
氏而下俱亡諸孫七人嗣子奉公之喪即以其年十  
一月二十八日葬河內某鄉某里先公之墓次前葬

錄公世孫官闕并其行事俾某次之將求作者以誌  
其曠某詳載其實以告謹狀

景祐五年十月日責授崇信軍節度掌書記

朝奉郎試大理評事兼監察御史前監唐  
州酒稅尹某狀

故推忠協謀同德佐理功臣樞密使金紫光

祿大夫行尚書吏部侍郎檢校太傅同中

書門下平章事上柱國太原郡開國公食

邑四千一百戶食實封一千四百戶贈太

保中書令文康王公神道碑銘并序

景祐元年秋八月壬戌樞密使同中書門下平章事

王公薨于位 天子震悼翌日臨其喪廢朝三日以太保中書令告其第命鴻臚內侍通治喪事賻物恤孤率用加等札官考行謚曰文康即以其年十月葬河南府河南縣洛苑鄉魏封原奉工夫祔焉公諱曙字晦叔其先太原人始王氏居太原為著姓其後有徙西河者公之先君能傳其世系之所從實隋世文中子之弟績之後績號東臯子東臯而下問有儒者然不大顯亦未嘗去河汾間經亂亡其譜不復貫叙故後世唯祖東臯子至公始葬先君河南今遂為河

南人曾祖傑祖崇生兵間以義勇自許河東大將周德威聞其名召補裨拔德威後帥燕軍以戰死矣知已功業不著以壽終考景純少客燕地感家世儒者不當用材武進乃南游嵩洛得左嵩譚用之者為之友寢以文補還太原至境上時刘氏方據其地歎曰天下將定以區區一方支天下兵此危國也遂不入止上黨帥延致幙府罷不復作吏購四方書或手抄之晚年書數千卷端拱中終京師及公之貴追榮三代曾祖太傅曾祖妣張氏韓國太夫人祖太師祖

妣閻氏齊國太夫人考太師尚書令妣祁氏魯國太夫人公少舉進士淳化三年上第釋褐河南府鞏縣主簿再調定國軍節度推官咸平中天子用古科目考方聞之士工部尚書趙公昌奉公賢良方正試入等授著作佐郎去知明州定海縣代還為群牧判官賜五品服遷太常丞受詔修傳燈錄三司憑由勾簿司考煇開封貢士坐失實出監廬州茶稅東封加恩遷博士通判陳州未至任詔還豫修冊府元龜以工部員外郎充危閣閣待制賜三品服從祀汾陰遷

工部郎中改右諫議大夫河北轉運使部吏受賕失奉劾罢知壽州改淮南轉運使歸朝勾當三班院糾察在京刑獄權開封府事加樞密直學士知益州坐開封府日保任掾吏犯法降授左司郎中尋復諫議大夫召為給事中兼太子賓客天禧三年同知禮部貢奉所誅士或倡言被抑無行者從而譁之不復辨狀降為諫議大夫俄復給事中同知通進銀臺司門下封駁事兼群牧使四年冠菜公被罪坐姻累罢學士知汝州乾興元年猶以前坐責授郢州團練副使

天聖元年起為光祿卿知襄州二年再知汝州四年  
復給事中知潞州六年遷工部侍郎知河南府移永  
興軍七年入為御史中丞兼理按使七月以工部侍  
郎叅知政事明道元年六月朝入殿廬未及對以疾  
還第即上章求解政事七月授戶部侍郎資政殿學  
士知陝州是冬改元推恩遷吏部二年夏徙知河陽  
秋再知河南府十一月被召加檢校太傅充樞密使  
明年七月加同中書門下平章事未几瘍發于手浸  
淫以至大病享年七十二公幼得先君所聚書讀之

至周官春秋尤極其義故為文章必本制度臨政長  
於斷事蚤天性通悟發為事業迹其源流盖有助焉  
景德中

天子嘗命近臣修書時楊文公在翰林公止太常屬  
丞制以二公並命論者以材名苛吏非復爵位差降  
也臨益部日會歲飢衆心頗搖公曰往時蜀擾非有  
雄豪為倡先特以攘寇不息驅而合之浸大耳今欲  
制其萌莫若禁盜於是嚴盜法犯者一切皆死出金  
谷募告者又俾爪牙吏適其橐囊謀者久必就拘或

示恠刑蜀人股栗歲中遂無盜然用它法皆寬平註  
誤多貸免嘗有卒夜告其將軍亂公衆狀立辦其偽  
斬之軍士皆感泣蜀曰以季春糶廩未以濟民言利  
者增其直公抗奏復曰者為定制先是禮部尚書張  
公詠再守成都蜀人懷之以為後無繼者及公去遂  
有前張後王之諺其臨他郡則因其俗而治之施其  
術若無窮然使人愛之皆如蜀人焉尤重獄訟無細  
大必精意處之上黨有殺人者公察情非是面訊其  
狀其人以為不得真殺人者已無免理卒不自明僚

吏亦言不足疑公密以物色捕殺人者得之作辨獄  
記以戒理官前在西都有中人建議廣旁陵屋居僦  
之取利以薦園寢公上言神道尚靜今亟有吳作卑  
細利為家人煩藝之薦非所以奉祖宗意於時近倖  
方用土木取功賞書奏皆憚其守正任中憲日屬玉  
清照應宮災詔以衛卒及掌事者付臺劾火起狀時  
太后臨政謂公曰此人火非天災必戮守衛者公上  
疏曰昔魯桓僖宮災孔子以桓僖親忌當毀者也漢  
遼東高廟及高園便殿災董仲舒曰高廟不當居遼

東高殿不當居陵旁故天災若語此宮所建非應經  
義望以臣議下大臣苟不合故典請歸田里時議者  
或云宮當修復大臣多以財費不充沮之未有斥言  
不當建者及公援據經典辭頗切至上及太后皆感  
悟薄前守衛者罪修宮議亦寢明道中歲旱公引成  
湯六事為言且云今一歲四赦則政不節一事也願  
深以五事為戒在河陽會遣使濟瀆祠醮公上言岳  
瀆山川自非時祀請罷勿祀以息擾下之弊公初坐  
萊公去京師十年天下有宰相望士大夫惜公且老

懼不克相延企者久之及晚節登用多以東宮之旧  
上雅意所屬然亦公議有在焉嘗以人臣惠不節儉  
深自虧損在京師居第隘甚起居常一室中廡唯二  
馬食無重肉處之泰然蓋矯時之為也篤於朋友樂  
周其急治家甚嚴退公私庭諸子甥姪橫經侍席間  
命次子鼓瑟以自娛終歲無絲竹之樂洛中營小園  
歸意甚章末年恩礼愈極終不得謝有志弗就良足  
悲已初夫人石氏平原郡君次夫人寇氏馮翊郡君  
子二人益恭虞却負外郎孝謹温厚得其家法益柔



右贊善大夫篤孝好古善自樹立二孫慎言光祿寺  
丞慎行太常寺太祝女七人適校書郎陳戡將作監  
主簿趙士宗殿中丞孫瑜殿直揚舜臣唐州推官尹  
宗濟光祿寺丞張宗簡將作監主簿陳安石孫女四  
人並幼公母弟映試將作監主簿早世有子二人益  
謙在侍禁益冲將作監丞所著文集四十卷兩漢詔  
義四十卷周書音訓十二卷唐書備問三卷群牧故  
事六卷莊子指歸三篇列子指歸一篇再使北方作  
戴斗奉使錄二卷公既葬二年虞部君泣謂某曰先  
君素慎密作中書樞府為上謀慮虽子孫莫得聞故  
嘉言密論無一傳者在任他官多用章疏論事從子  
益冲書之益冲密留其藁今頗得存及諸行事皆世  
所睹者大懼失其傳予故吏當次之將刻石以示後  
世洙不敢讓并以世系官闕摠載之繫以銘云惟君  
御臣勿貳勿疑知之厥艰惟臣事君曰進曰退處之  
惟難疇其知之公始庶士旅于外庭乃列從官乃賓  
東朝惟

先帝明達今皇聖信之有初保之有終乃翊大政乃

冠內樞惟皇之聽時其處之公在中歲官嘗下遷不  
勉而和匪畏而虔秉常以堅亦既在位帝咨老成時  
唯典刑靡逸自居靡高自名竭忠以誠知臣處身匪  
厥艰难惟 聖建賢公矣全德頌之刻之以永其傳

河南先生文集卷十二

河南先生文集卷第十三

表碣述誌銘

故龍圖閣直學士朝散大夫尚書刑部郎中知

河中軍府兼管內河堤勸農使駐泊軍馬公

事護軍彭城郡開國伯食邑八百戶食實封

三百戶賜紫金魚袋劉公墓表

故將仕郎守河<sup>南</sup>府登封縣主簿兼尉衛君墓表

故朝奉郎太子中舍知漢州雒川縣事騎都尉王

君墓碣銘

故王先生述

故大中大夫尚書屯田郎中分司西京上柱國  
王公墓誌銘

故推誠保德功臣金紫光祿大夫守太子少傅  
致仕上柱國天水郡開國公食邑四千二百  
戶食封<sup>實</sup>一千戶趙公墓誌銘

故左園閣直學士朝散大夫尚書刑部郎中  
知河中軍府兼管內河堤勸農使駐泊軍  
馬公事護軍彭城郡開國伯食邑八百戶

食實封三百戶賜紫金魚袋劉公墓表

彭城公天聖七年四月薨于蒲後三年其子几葬公  
河南伊瀆鄉尹樊里又五年几以著作佐郎宰方城

告于故吏尹某曰予父晚節始得以諫諍事先帝

逮今天子初即位列於從官亮節直聲為時名臣  
然在朝廷不四五年淹恤外藩弗至大任是故道充  
於交朋而未及於民論議通古今或沮於當世平素  
蘊蓄有所不伸潛德隱行晦曖弗彰大懼夫流風遺  
烈寢失其傳願揭石墓左以表之懇讓不克輒論其

闕閱云 公諱燁字耀卿咸平初中進士第歷河中  
臨晉開封封丘二主簿河南潁陽令遷著作佐郎監  
陝西商稅改著作郎知河中危門渠通判益州天禧  
初擢為右正言旋判三司勾院賜五品服三年以本  
官直集賢院同修起居注四年改古司諫換工部員  
外郎兼侍御史知雜事判流內銓五年賜三品服改  
三司戶部副使軋具汎恩轉刑部旋改吏部員外郎  
出為陝西轉運使未赴賊奉使契丹還以本官充危  
閣閣待制知三班院提奉諸司庫務天聖二年同知  
禮部貢奉推開封府三年遷刑部郎中充危圖閣直  
學士知河南府五年徙河中府治河中凡二年七六  
十二公少為古文章篤於風義始奉進士與張景定  
交論道深相師友初為危門宰部有群盜殺人不足  
會公領尉事自捕悉擒之公曰此劇盜也送府或有  
叛去者且尉兵弱不足為捍防皆命斬之一府服其  
果文康王公鎮蜀有以威暴上聞者會公自蜀召還  
對日真宗問曰凌策王曙治狀何異耶公曰前策在  
蜀歲豐少事得以平易治之比歲少歉蜀人剽輕其

心易摧故王曙以嚴刑治之然所誅殺特盜賊耳未嘗變陛下它法帝善之初為諫官屬歲荐飢復河決東郡公上言歲數不登力役屢起元元困苦道殍相望此宰相事也夫聞有濟之之術願策免以塞群望疏寢不報京師民間傳有靈泉飲者愈疾議建祥源現詔初下公上言前世有傳聖水愈疾者皆詭妄不經今盛夏亢陽大具土木以營不急非國事也自玉清官建凡有具作皆推本符瑞以答天貺臣下罕有以土木沮議公援古守正無所憚焉又抗論時政前後數十事今撮其要者公以外官有勸農之號而使窮民轉徙汙萊弗闢蓋考課弗明吏職廢弛寢以及此昔即信臣守南陽闢田三萬頃此實効也今守宰居位皆積日以幸遷非有意於民者宜申明考課法一切為殿最以督之又請禁民棄孝養而事浮罔老子者或受父母教及親亡者勿禁先帝世吏一受求終自不見齒及天禧晚政稍被寬貸或復得進公請重其制累赦勿原又以荒歲粟入者止海上佐虛名假之不足為權時之制宜自万石而上得每武臣

奏補子弟為比吏部旧制擇善吏為御史府主簿三  
司法官時有貴臣求以親屬補其負公請罷之因言  
近臣對見不當為子弟乞恩以開幸進公以古之薦  
士受上賞今罪有從坐而賞不著非沮勸之道宜較  
其章著者推以恩典 國家景後德分部置使總按  
刑獄公以為郡守皆朝廷轉運使已專刺奪之朕復  
置使按郡非所以責任守臣而息獄訟也當罷之河  
北平詔勞帥臣建吏卒独不及民公請蠲兩河歲賦  
以寬之又建言出章句篆刻之伎崇尚李術復聘士  
之礼其章疏大較如此施行者盖一二焉有唐故事  
拾遺補闕掌供奉諷諫得以定論政事 國朝授者或  
兼儒館或領外官專以文雅材幹之臣非復曩時  
戢事天禧詔書置諫官御史十二負首得公每肅簡  
魯公宗道二人為諫官凡所論則拜疏而已未嘗請  
對公援奪故事自是常得對遂為故事及遷司諫會  
論疎決刑獄事章不下固讓不拜翌日章報乃受命  
公厚於故旧始終無少間也 王文康坐寇萊公責官  
朝士無往者公歎曰友朋之義独廢於今世耶即坐

謹無愧矣乃出餞之雅愛處士李讀之為人讀終公  
陳其高退之行詔贈讀著作郎其敦篤如此在西京  
日有歸老之志求領留司御史台不允比召還不詣  
闕願徙河中卒如其請難進易退有古君子之風焉  
公之先代郡人後魏孝文之遷都因徙家于洛陽十  
二代祖環鑄北齊中書侍郎環鑄生坦隨大理卿坦  
生政會唐武德功臣封渝國公政會生元意尚太宗  
女南平公主位至洪州刺史元意生竒為吏部侍郎  
天授中為酷吏所陷竒生獲加令慎言慎言生河東  
令聚生秘書郎藻生蔡州刺史符生洪洞令  
珪生兄弟八人崇龜崇望最显崇龜位至清海軍節  
度使崇望相昭宗至左僕射珪生大父贈太保諱岳  
仕後唐終太常卿夫人趙氏封天水郡太夫人太常  
生烈考贈太保諱溫叟事皇朝終御史丞夫人李氏  
封永洛郡太君公兩娶趙氏皆贊善大夫杲之女今  
郡君有子七人長曰旣將作監主簿次即著作君次  
曰先將作監主簿次曰邕忱北魏並太常寺太祝旣  
先早亡女二人長適大理評事王珣琇次幼刘氏自

中丞而上事備累朝國書著作兄弟皆開敏有材稱  
著作又登進士第能世其家矣今世衣冠虽或前朝  
旧族然經乱大槩离去旧邦不則爵命中譜絕謀散  
缺無如刘氏蟬聯盛大者又自渝公而下至今十世  
犹葬樊里此其尤異者也初公領貢部某得奏名及  
為河南以掾吏事公故著作君以家世之旧為請某  
撰述非工独能不曲迂以私於人用以傳言于後故  
叙先烈則詳其世數紀德美則載其行事稱論議明  
奉其章疏無溢言費辭以累其实後之人欲觀公德  
業當視於斯文為不誣矣景祐四年月日刻石

故將仕郎守河南府登封縣主簿兼尉君墓  
表

君諱景山字仲安魏郡南樂人後徙家河南累奉進  
士不中第景祐元年西都復國子監奉生兵薦君得  
試國子主簿歲餘改河中府士曹叅軍仍在西監講  
書四授伊陽尉移登封主簿康安二年六月三日以  
疾卒年五十君少以辭章為人稱年十七奉進士魏  
郡首送之二十餘始來河南益修自謹接朋友恭甚



郡居論議默々若無所解或從容與之談即多所發  
明以是前輩知其讓已少年皆慕其為人文奮之無  
一異者晚節所守愈固通六經章句大義從之者  
常數十人或與君評後進人物君雖賞鑒有輕重然  
多曲為之品目人訖其所收大廣後頗有成立者士  
更以此服之素為名公知遇謝崇微以禮致之始主  
李士丞相沂公稱其行於朝因以入官為父瀆祠部  
員外郎直史館有名於時母郭氏太原果君娶王氏  
一男籍民九歲一女十二歲君卒後五十七日葬河  
南洛陽賢相鄉積閭里洛中士人告于予曰衛先生  
葬軍有文以誌其壙予知仲安者是當為之誌會日  
迫不克納其壙遂表于墓

故朝奉郎太子中舍知漢州雄果事騎都尉

王君墓碣銘并序

太子中舍王君以康定元年三月某日卒官二年某  
十一月某日葬于河南府河南果某鄉某里其孤尚  
恭尚詰謂某日歐陽永叔既名吾先君之壙願得文  
以揭于墓某于君遊最久不敢以讓云君諱汲字師

黜某先京兆万年人五代祖迺唐季為壁州刺史世  
亂不得歸遂葬果州西充丹圖山下里人呼為壁公  
墓曾祖福事王蜀為其合州刺史祖某父某通經術  
皆以壽終君幼聰警善為辭章兄謹取進士第有祿  
于時君始來京師為墻文生數奉不得第湛累官司  
負封外郎君用司封廕授將作監主簿鄭州原武河  
南密果主簿天聖八年詔奉郡諸曹果主簿尉堪為  
果令者公得以擢為澤州晉城果令果治在州下州  
有廣銳軍異時牧馬旁郡會歲飢果民有亡田者軍  
士遂請其田為牧地民既復馬當還故牧軍士以勢  
力取強於民吏不能禁君至立辨於郡卒徙故地莫  
有犯者明道二年詔奉郡果吏有治實者承路轉運  
使蘇耆以君名聞即召還改大理寺丞知京兆府藍  
田果事遷太子中舍知陝州夏果事果近山頗為水  
患又城久圯壞姦盜出入無限制君請於府築堤新  
城人皆便之移漢州維果會兩川大飢君率富室入  
粟數萬以濟貧民勅書褒諭為君為吏凡六更其治  
或為佐為長皆得以一果及其用精敏敢斷官有歛

後未嘗以嚴期暴民事皆迎辨民或訴狂者蚤嘗經  
郡里決君必窮衆審究不以勢卑奪其守以是能庇  
其民為人平易宵中洞然無少隱與朋友遊有始終  
讀書惡異端尤不喜陰陽拘忌之說識者尚其通焉  
娶胡氏封安定果君子三人尚恭尚詰同年取進士  
第皆賢而文尚辭奉進士五女長適殿中丞次吳感  
次適殿直朱漸次適潞州屯留今楚建中次歸吾家  
子朴實其壻幼未嫁初司封葬河南君嘗語諸子異  
日當從吾兄及終遂奉其言銘曰生子蜀宦于蜀又  
歿其地來葬河南實成君志九原可作從我伯氏子  
孫遂家以祖從世

王先生述

先生葬有日次子豫狀先生行事來告曰侍讀李士  
揚公既名吾先君之墓先君知子子不可無術述予  
惟揚公與先生同年進士出處中外四十年知先生  
治行詳且實莫揚公世人信其文亦莫如揚公予若  
復次其事徒使人疑其傳故不叙其狀獨述予之得  
於先生者慶曆四年即先生治蒲之二年予自安化

徙守平陽道蒲先生與予語春秋因出唐志二十篇  
且曰此未嘗以示人先生於褒貶善惡之著者若無  
所指意其甚異者衆之所尚或詘之衆之所訛或加  
之予亦疑其然先生為予開其端質於大中之道考  
之於春秋無相戾者嗚呼先生所美唐善也所詘唐  
惡也於今曷避而不示人蓋夫違衆之所訛謂之黨  
反衆之所尚謂之隘奉世皆然惡得獨異而取危耶  
宜乎先生之不以示人也先生歿唐志且行于世現  
其書然後見先生之志於時未嘗伸亦未嘗屈也後  
之知先生者其在唐志乎先生諱汾字某歷居大官  
在

朝廷為名臣由樞密直學士為涇州觀察使涇原路  
經略安撫招討等使領兵貴州以其佐軍敗罷為郎  
復進天章閣待制慶歷四年十一月某日終于蒲葬  
用明年十月某日云

故大中大夫尚書屯田郎中分司西京上柱國  
王公墓誌銘 并序

公諱利字蕙濟其先滄州青池人曾祖抗江州刺史

祖演太府卿父承謙尚書庫部郎中母董氏漳南果  
君葬河南伊闕今為河南人公淳化三年登進士第  
初調河南尉遷著作佐郎再為秘書丞太常博士入  
尚書省為屯田戕都官戕方三負外郎轉屯田郎中  
官凡七遷始以陝府監稅歷通判閬潼滄定四州知  
絳州涇州改監并州倉復得通判同州知河南之永  
安緱氏二邑揔十一任以本官分司西京年七十二  
天聖四年八月十六日終于緱氏私第明道二年十  
月二十九日葬洛陽大樊原不從于先君用吉卜也

公幼警悟始為童授詩於故尚書右丞張公雍張公  
說詩博引經義聽者多所未究公於下坐重伸其說  
辭約理暢一坐聳伏初命河南會檢人趙頌贊務於  
洛贊招權樹威趨時者望塵迎謁惟公與之抗贊不  
勝其憤它日坐衢中以戕事呼公欲衆辱之公莊色  
正辭贊不能屈留守呂公聞而深器之在滄州日閤  
具獄有群盜當就死公察其氣貌曰是非作惡者密  
訊之頗得其寃狀公命稽其刑且大索境內不數日  
盡得真盜賴免者數人又嘗遣三卒至都下二人者

共害一卒取其齋裝反以其人逃狀聞公疑其姦遣  
吏李宓者自郡至都以物色求之得其實二人即伏  
罪其精審皆此類定州民居雜戎落附鄉籍者至寡  
公招徠撫集歲益萬餘家凡為政尚清簡時有賓朋  
讌樂不求皦察之奢故所至皆便其治及去郡吏民  
千里候問歲時不絕其見愛若此雅善談譚有醞籍  
外為和易而內甚介特親旧處柄任未嘗一造其門  
再誅皆非罪一以河決一坐失奉幘屬留滯者累歲  
處之恬然晚節以歌詩自娛有集十卷私帑屢空不  
以槩意暨疾語諸子曰嘗聞之先君我家自隋世為  
顯族處環衛方鎮者相繼不絕惟未嘗典文翰為從  
官因亂譜謀散去恐後世遂其亡傳因命筆授之其  
意欲諸子以文自進也娶李氏封隆平縣君撫莽宗  
屬有家法三男長昂進士第大理寺丞次震洛陽主  
簿次復奉進士三女長適試將作監主簿張師雄先  
公而亡次適耀州華原令楊建用次適太子中舍孫  
長卿孫男四人夷仲虞仲子仲南仲女四人並幼銘  
曰

王氏世以材武吏幹稱及公始用儒術進而位不大  
諸子益以文自力王氏其顯乎

故推誠保德功臣金紫光祿大夫守太子少傅

致仕上柱國天水郡開國公食邑四千二  
百戶食實封一千戶趙公墓誌銘

公諱積字表微單父人少好學持心固堅得章句義  
輒早夜以思不少懈犹自以不足乃之四方從賢俊  
游喜為文辭卒以勤成其業年二十六奉進士一上  
中第授平定軍判官再調台州軍事推官薦其行能

者數十人除大理寺丞知蘇州崑山吳通判楚州遷

殿中丞知通州召歸通判宗正寺賜五品服樞密直

學士李公濟薦公端原可任以事擢為監察御史由

殿中侍御史遷侍御史歷判登聞鼓院開封府判官

判三司開拆司車駕西祀為東京留守推官咸以治

法謹重為人稱大中祥符五年遷兵部員外郎益州

路運轉使賜三品服入謝日真宗顧曰天下太平

然郡縣事朕互聞蜀最遠民番侈吏易以擾是尤欲

聞者卿朴忠當無少隱凡是有更署者其錄卿意無

署名位附常所奏章以來朕為卿行之公至部事無  
細大悉心以陳至有一日章數上皆優報焉邛州蒲  
江劫盜不得反繫平民十餘人掠笞咸使強服又合  
其辭若無可疑者公行部意其自誣馳入獄考狀  
盡得其寃即出之寘果吏於法雲南蠻擾焚瀘州涪  
井監詔發兵誅之器械糧餉皆逆以辦事寧以勞遷  
工部郎中代還兼侍御史知雜事同判流內銓奉詔  
詳定民吏負官之物稽期者公審其無欺狀者悉除  
之改三司監鐵副使天禧二年成都守當代宰相列

上近臣名三四皆不稱旨或奉公姓名帝曰趙某  
固可用擢為右諫議大夫充集賢院學士知益州度  
支市錦六千公召工較其日力歲止千餘疋乃以千  
數上供焉就移知同州遷左諫議大夫給事中徙鳳  
翔京兆二府使契丹還遷工部侍郎加樞密直學士  
知并州進刑部侍郎上雅知公為先帝所信任且  
倚耆德為朝廷重乃拜樞密副使明道元年進吏  
部二年拜尚書左丞知河中府景祐四年拜禮部尚  
書五年以疾請老九月拜太子少傅致仕十一月一



日薨于河中年七十六公性薦厚與人語言必誠及  
無一外飾蚤年尊显不自為貴士子賤微者皆與之  
鈞禮為政尚寬允處事要其歸不害於禮而未嘗立  
異見以名已功用是天子器之以為可任大事在  
位交稱其篤厚焉夫公之先世以儒名其家然無显  
者及公之貴曾祖廩贈太保曾祖妣刘氏追封京兆  
郡太夫人祖修已贈太傅祖妣朱氏追封河南郡太  
夫人考晟贈太師妣孫氏追封洛陽郡太夫人娶田  
氏封京兆郡君先公亡子男七人士安士宗士寧士  
宏士字士宣士賓俱以廕補官士安士宗士字士宣  
皆早士士寧今為太子右贊善大夫士宏大理評事  
士賓秘書省校書郎女六人長適駝方負外郎晁宗  
藻次適秘書省校書郎袁涉次適晁氏次適大理評  
事李南仲次適秘書丞梁堅次適右班殿直朱融今  
存惟晁氏李氏婦孫男二人仲達太常寺太祝仲遠  
奉禮郎孫女八人皆適士族公薨年十二月嗣子奉  
公之喪葬河南萬安山之原自初薨凡三十九日而  
葬上達故贈謚之典未及焉其銘曰

孤卿六官百工之式公實戕之 天子万机百官是  
維公實毗之五福之後既德而壽公實有之万安之  
陰龜已定公實命之既封而崇既固而完公其安之

河南先生文集卷十三

河南先生文集卷第十四

誌銘

故三班奉職尹府君墓誌銘

故將作監主簿陳君墓誌銘

故永安縣君李氏墓誌銘

故夫人王氏墓誌銘

故鄉貢進士謝君墓誌銘

故朝奉郎行許州陽翟令贈大常博士趙君墓

誌銘

故供備庫使銀青光祿大夫檢校尚書兼御史  
大夫知霸州軍州兼管内勸農事上騎都尉  
南陽郡開國公食邑三千八百戶張公墓誌  
銘

故朝散大夫尚書刑部郎中直史館上柱國賜

紫金魚袋陳公墓誌銘

故三班奉職尹府君誌銘并序

先君先夫人之第三子名湘字巨川年二十四天聖  
五年五月九日以疾卒景祐五年十一月二十八日

葬河南壽安仲元洙泣而誌其曠曰巨川少予三歲  
幼同游嬉稍長俱就師起居食飲无一異然予好論  
議古今往匕旬先生辨是非巨川独喜靜不參一言  
人皆材予以謹厚名巨川年十七由大父廕得官初  
權偃師酒又掌衛州牧馬与予别三年予在京師巨  
川以疾來告適往已不克見它日視篋中得手抄歷  
代史及兵家書摠數百卷及观所上边事欲国家变  
五代衰制籍兵於農以紓用又以西北带边凡百餘  
堡戍兵寡敵至不足為捍防不若省堡戍增屯要害

如唐三受降城天德軍之比其言深切而著明其大  
要若此嗚呼名弟謹厚則信矣現其材又能以重持  
之子及我子何及我先君先夫人諱氏官封已載墓  
表娶木氏一男一女木氏及女後巨川一年皆卒男  
名材謹懿不妄言笑今為後銘曰吾家自曾祖以及  
先君三世葬此而世異其域弟之葬得與先君同城  
在地之兩用術者云

故將作監主簿陳君墓誌銘并序

陳君名賡字仲雍鄴安陽人齊進士累上不中策

自詆其業曰始吾好夷吾書通其變能使國以富強  
期少用于世以盡其術念非進士無以進今數絀年  
且衰所蘊畜訖將不用其施吾家遂罷奉專治生業  
是時君母夫人在堂兄貫始有位于朝賴君奉養日  
益充其治生用術至精年豐凶布物上下歛散急緩  
皆有宜日不為汲也歲較之則大有餘用是鄉里稱  
其長者以兄廕得試將作監主簿明道二年七月十  
八日以疾終于家年六十父芳贈尚書刑部郎中母  
解氏封福昌縣太君娶刘氏温州防禦使平之女弟

和順能持其家法後君二年卒生六男安仁安世安  
國安上安靜安民一女尚幼安仁由世父廕補太廟  
齋郎安世將作監主簿餘皆奉進士兄貫今為刑部  
郎中直昭文館君以景祐五年正月二十三日葬河  
陽太平鄉北閭里先君之墓次夫人祔焉銘曰  
賢者以道進退無失得其次尚功名以術濟其用不  
則施其家以仁其宗要其歸異夫獨善者是不以無  
用廢有用手

故永安果君李氏墓誌銘并序

天人姓李氏濮陽人父獲累贈尚書令母刘氏追封  
齊國太夫人李氏世衣冠積產甚厚諸女虽幼皆預  
為嫁具礼器服必以称及夫人笄仲兄今徐州丞相  
由進士貢數不中第貧少衰夫人持奩中物尽内於  
丞相曰兄以氣義為鄉里重寒士頗仰給此以濟兄  
用丞相竒其識陰擇節士為之配是時丞相尚鄴郡  
陳公文甚驩俱以名称京師景德中同年取科第夫  
人遂歸陳氏陳公官州果十餘年丞相位通显夫人  
未嘗以兄勢卑其夫族事先夫人能勤礼自持承顏

下邑無小怠先夫人年過八十多疾食飲起居須夫  
人乃安陳公祿既豐或勸夫人侈玩服以自貴重夫  
人曰始吾生大家嘗以約自守及從吾夫為小官完  
衣粒食裁自充然吾夫不以貧自病者以吾安於約  
故也柰何敗吾素守耶夫人通釋氏書性慈恕不志  
語言授封永安縣君以其年某月某日終于河內武  
陟之私第年四十四生子五人安石安定俱以廕補  
官女四人適某人公名貫今為刑部郎中直昭文館  
景祐五年正月庚申葬夫人於河陽太平鄉北閭里  
安石甫予善求文誌其墓壙銘曰  
不以財自私或失以侈能以約自持或病以嗇兼二  
者而無訛君子其難矧在婦寔夫進以顯子多而才  
蚤奪之年孰為大哉

故夫人王氏墓誌銘 并序

夫人故樞密使丞相王文康公之第七女年十七嫁  
將作監主簿陳安石五年年二十一以疾終寔室元  
元元年五月明年二月二十二葬河陽太平鄉北閭  
里夫人在丞相子為最幼尤為家人所欲重既筭以

大臣女賜冠服歲時得朝見中宮性至孝居丞相喪  
號呼不食中外姻族來吊者相與為寬辭以譬之夫  
人毀頓無生意弔者莫忍視更為之致哀夫人持法  
自若始終無違其容止皆克其德為安石勸郡冠族  
父貫今為尚書郎守本郡安石及夫人之兄益柔皆  
與予游道夫人行實俾予次之繫之以銘

孝本乎性推之為仁睦于夫氏由乎事親年弗與俱  
嗚呼夫人

故鄉貢進士謝君墓誌銘并序

君諱昌言字仲謨其先太原人父某贈大理評事始  
家河南為大族君少好學屬文深沉有局量與人交  
不喜評論其短長然於賢已者必加厚焉奉止蘊籍  
雖飲酒至醉犹不少失法度士君子與里閭小人俱  
以謹重目之故王丞相隨徵時嘗依君家及其貴用  
日思款酬以官親黨咸勸當益自附結君不甚屈官  
亦終不及四由進士貢不得第以景祐元年三月某  
日終于家母孫氏追贈永安縣太君初娶王氏繼室  
傅氏故忠武軍節度使潛之孫二子良臣良弼並奉

進士二女一嫁大廟齋郎涉通一尚幼室元二年某  
月某日二子奉君之喪葬于北邙之原君母兄昌齡  
今官五品故先君先夫人皆得追命焉君之伯姊實  
洙之大母君於洙大父之行也又嘗皆奉進士同硯  
席故詳其為人銘曰溫仁其淳矯正其莊字季而固  
秉德而常在家之間寔士之良葬從先君刻此銘章  
既寧既堅以永其藏

故朝奉郎行許州陽翟縣令贈太常博士趙

公墓誌銘并序

公姓趙氏諱某字某幽州良鄉人祖某父某世以儒  
衣冠遇亂無顯者幽州陷虜二年公始生幼而孤鄉  
里少年率從虜教馳騁田獵頗以材勇自奮公獨褒  
衣從先生游讀書汎通大義馳射亦過人然不以能  
自名故得以文吏進母嘗疾靡甚呼聲不絕公吮其  
潰毒痛即少止母慮傷其意後頗隱其狀公視母色  
戚泣而吮焉數從虜帥掌文記得本果主簿又為飛  
狐尉遷蔚州靈丘令雍熙中王師至其地得歸京師  
授河南偃師令累調江陵岐山羨烏陽翟四令公性



剛明尚義節其為吏遇事敢決無留獄所至以強辨  
稱在江陵遇蜀李順亂轉兵食自峽而上為群吏先  
使者以狀聞制書褒諭罷陽翟歸偃師家居曰制具  
令遇七十居其官請老者得以東宮官致仕公是時  
年六十九居其官請若家人以精力尚強勸其再調  
一邑以五品還家公曰吾量力而止豈以虛名自役  
乎乃以疾請後十五年七十四終于家夫人劉氏  
慈明有賢行後公十七年而終年八十四四子偕企  
及布一女適進士張康世孫六人友文尚文子文溫

文秀文懿文公之退居也命偕主家政及奉進士公  
在及已登科兩佐使幕今為殿中侍御史再贈公為  
太常博士夫人授封壽安果太君太君之喪偕企無  
存者御史為嗣子考吉卜葬公河南洛陽邙山北原  
壽安君祔焉銘曰

猗歎孝哉令人其導厥規在初和而不汙有美其終  
恬乎其克邛山之地茲焉寧休祭以大夫公卒有子  
故供備庫使銀青光祿大夫檢校尚書兼御

史大夫知霸州軍州兼管內勸農事上騎

都尉南陽郡開國公食邑三千八百戶張  
公墓誌銘并序

公諱顯忠字盡節其先樂陵人祖奉超為橫海軍大  
將顯名軍中父延斌國初以材武積功為捧日左廂  
都指揮使富州團練使贈左武衛大將軍公幼明慧  
語言拜起如成人七歲得見太皇宗帝晉邸及即  
位給事殿省補殿直供奉官皆以寄班冠其官稱汝  
陰有屯騎卒叛為盜命公捕之方合闕為流矢所中  
拔去矢鏃揮衆益進遂破其黨以功遷內殿崇班自

是凡七遷由內殿承制歷禮賓東染院西京左藏庫  
洛苑文思五副使至供奉備庫使其所任之職即全仰  
七州饒信等州郡巡檢使泗州天雄軍駐泊都監江  
淮都大提本捉賊提點河東路刑獄公事再為西京  
水南巡檢知嵐憲霸三州事最後知霸州天聖七年  
十一月九日以疾終于任年六十公性重慎寡言雍  
熙後數奉使四方是時

太宗皇帝喜詢外事凡內臣使還見便坐於語移刻  
或以應對敏給亟被恩宥妾者頗撫細微事期以中

傷人公止以所使事上聞它無一言僚輩皆稱其長者然用是官亦稀遷天聖六年再為西京延檢時莊獻明蕭太后猶臨朝公隱入辭自陳開寶末以童子入侍當時晉府旧人今無居位者兩宮測然問其官尚諸司副使遂命以正使授之公出入省闈暨領州任於五十年唯此命及汝陰以功陞它皆用歲勞或以例遷公泊然自守未嘗有冒進意為政尚寬易所至民宜其治御家有法撫疎屬皆以息知者尚其為人母安氏追封河内县大君娶郭氏封太原县君後

公一年而終二子長正臣左班殿直卒次正平右侍禁三女長適供奉官閣門祗候王宗慶次適前并州司法叅軍謝汝賢次適供奉備庫副使彭再問孫三人長奉三班奉職次準次尚幼室元二年十月二十七

日長孫奉奉公及大元之喪葬于洛陽北却山大樊

原銘曰

幼明而遇壯才而奮孝睦其族政試于郡持身以莊秉心惟慎爰初暨終弗顛弗進葬洛之陽考卜其順後世以嗣兮不隕令問

故朝散大夫尚書刑部郎中直昭文館上柱  
國賜紫金魚袋陳公墓誌銘并序

公諱貫字仲通其先鄴郡安陽人父芳葬河陽今為  
河陽人景德二年中進士第累調杭州臨安秀州嘉  
興二主簿懷州河內令用知己薦授秘書省著作佐  
郎刑尚詳覆官歷秘書丞太常博士為審刑詳議官  
監左藏庫通判河南府知衛州事入尚書省為屯田  
度支兵部三員外郎知涇州事移利州路轉運使又  
為陝西河北河東三路轉運使三司監鐵判官由河  
東入為三司戶部副使遷監鐵副使景祐四年授刑  
部郎中直昭文館知相州事寶元二年罷州還過河  
陽寢疾以十一月二日終于家年七十二公少倜儻  
有異節通孫吳知兵法喜談邊事成平中大將楊瓊  
王榮喪師公詣闕上言前日不斬傳潛張昭允使瓊  
輩畏死敵而不畏陛下法今不更其制後當益弛宜  
著凡合戰而奔者大校悉戮之大將戰死裨將無傷  
而還者與奔軍同軍衄城圍別部力足救而不救者以  
過遛如此罰明而士厲矣天子壯之召李士院試執

政以瓊輩已即罪議遂格又論形勢邊將練卒三篇  
皆上之其形勢篇論兵法地有六害今北邊既失古  
北之險然自威虜城東距海三百里其地沮澤境埆  
所謂天隙非虜勢能入由威虜西極狼山不百里地  
廣平利馳突此必爭之地凡爭利之地先君則逸後  
趨則勞宜有以待之其選將篇昔李漢超守瀛州虜  
不敢犯閩南尺寸地今將帥大槩用恩澤進畧以謹  
重取信然卒與敵遇不知所以為方略故虜勢益將  
張兵折於外者二十年此選將得失之効也其練卒  
篇論國家收天下材勇以備禁旅皆賴賜帛恬休息  
久不識戰鬪事當以衛京師不寧以威邊戍邊莫若  
募其土人隸之大小軍又籍丁民為府兵使北兵扞  
狄西兵扞戎不独審練敵情習熟地形且皆樂戰鬪  
無驕心及北方請盟公復上言虜數犯塞駟掠民數  
十萬今乘其初通宜出內府金帛以購之虜嗜利必  
歸吾民自河之北戴德澤為無窮矣公既奉進士廷  
中唱第得同出身上願其姓名曰是數上邊事者擢  
賜第二第及第公為吏部嚴時持法不私所臨川姦

愚無所貸嫉盜賊為最甚涇州有惡少輩畏公嚴相  
苟為恐懼言期不敢犯及公遷去其父老遮道流涕  
曰願公留三載使不肖子久公化得終為善良其頌  
財賦校簿籍有毫釐蔽欺必窮治之常曰吏視官物  
如已物庸非忠乎在利州遇歲飢出戍田谷以賑  
民有積谷以覲利者皆令自占其數計口以留其須  
餘及發之所濟萬餘人制書褒諭在陝西設置塞上  
堡柵孤遠不足為鎮守者在河北請決徐鮑曹易四  
水以具屯田詔皆詢其利害烏夷夏之違命也公慨  
然曰吾四十年為國家論邊事會天下久承平謀  
訖不用今老且病忠力不効豈非命耶乃抗疏以為  
凡料敵勢患其大入而幸其不來者皆不足以計  
夫今所守之塞地形重阻非騎戰之利若其驟至主  
客體異設伏出奇則勝勢在我如虜不大入徒以游  
兵擾吾邊候則當益修守備師無還期財殫民勞其  
患滋大為今之策互誘之以利激之使怒軍法善戰  
者致人不致於人能使敵自致者利之也其文千餘  
言大抵類此又嘗著兵略十卷識者悲其志焉公之

在朝先君得以大理寺丞致仕累贈光祿少卿母夫人解氏封永安果君男五人安石安定安期安道安禮安石安道皆將將作監主簿安定河南登封尉安期安禮皆太庙斋郎女四人適殿中侍御史文彦博大理評事浦延熙將作監丞扈章一尚幼其年二月二十二日嗣子奉公之喪葬于河南陽太平鄉北關里永安君祔焉銘曰

達於事不疑其用明之至  
及其忠不隱于上誠之至  
壯歲設邊白首益厉不以  
不試詘其言不以踈遠易  
其志推公此心豈專功名  
蓋以治國未能去兵故兆  
謀於事先慮危於久平壯  
哉遺文其沒犹生得非於  
用明而於上誠者哉

河南先生文集卷第十四



